

Vorwarungs

Schriefft/ so

Churfürst Augustus zu
 Sachssen etc. als des OberSächsischen
 Kreisses Vorordenter Oberster / zu volge der Rö-
 mischen Key. May. .c. vnd des heiligen Reichs zu
 Augspurg vornewerten Acht vnd einmütiglich
 beschlossenen Execution / wider die Ehtere
 vnd dero Receptatorn Herzog
 Johann Friederichen von
 Sachssen / ausgehen
 lassen.

Anno domini

I S 6 6.

QVI POTESTATI RESISTIT
 DEI ORDINATIONI RESISTIT.

Son

Wir A
des heiligen
und Chur
graf zu M
burg. Joh
Johans fr
Auch son
Brief vork
uerbogen
nandus h
Wilhelm
anhergere
pländerung
effleret / B
geholtmen
jeige regie
Churfürsten
Kochs / anhe
Auch daneben
schreidet v
der solche
ten werden
folge solches

[Faint, illegible text, likely bleed-through from the reverse side of the page]

Von Gottes gnaden

Wir Augustus Herzog zu Sachsen/
des heiligen Römischen Reichs Erzmarschall
vnd Churfürst/Landgraff in Thüringen/Marg
graff zu Meissen/vnnd Burggraff zu Magde
burgk. Fügen dem hochgebornen Fürsten Herrn
Johans Friederichen Herzogen zu Sachsen etc.
Auch sonstien menniglich / so dieser vnser offener
Brieff vorkompt / hiermit zu wissen/das ime vn
uerborgen/welcher gestalt weiland Keyser Ferdin
nandus höchstlöblicher gedechtnis/den Echter/
Wilhelmen von Grumbach/vnd andere desselben
anhangere / von wegen der Landfriedbrüchigen
pländerung der Stadt Würzburg/in die Acht
erkleret/Vnd dieselbe Achterklerung auff jüngst
gehaltenem Reichstage zu Augspurg/durch die
itzige regierende Keyser. May. mit bewilligung
Churfürsten/Fürsten vnd Stenden des heiligen
Reichs / einhelliglich vernewert vnnd publicirt/
Auch doneben einmütiglich decernirt vnd vorab
schiedet ist worden/wie es mit der Execution/wid
der solche Echter vnd dero Receptatorm / gehal
ten werden solle / Das auch die Key. May. zu
folge solches gemeinen Reichs Abschieds / ime
A ij Herzog

Herzog Johans Friederichen / mit dreien oder
mehr vnderschiedlichen Mandaten / bey peen der
Acht vnd Oberacht / ernstlich geboten / die Echter
irer Key. May. zur straffe folgen zulassen / vnd
sich dero genzlich zu entschlahen / Welchs gleich
er gestalt von den Erbeynungs Vorwandten /
Chur vnd Fürsten / auch vns / durch schickung
vñ schrifften / zum offtern freundlich gesucht wor
den / Vnd dan ober solches alles / gemeine Sten
de des Reichs / men durch eine ansehnliche schick
ung freundlich erinnert / ermahnet vnd zum höch
sten ersucht vñ gebeten / der Key. May. als seiner
von Gott geordneten hohen Obrigkeit / vnderthe
nigsten schuldigen gehorsam zuleisten / vnd dero
Pacnal Mandaten / one fernere Rebellion zupas
siren / zc.

Wie er sich aber / dessen ungeachtet / nicht als
leine der Key. May. widersetzig gemacht / vnd im
seiner Rebellion vorharret / sondern auch den
Reichs gesandten eine verechliche vnd beschwer
liche Antwort (dorinn der Key. May. Person /
vnd des ganzen Reichs Reputation nicht gescho
net) gegeben / vnd im Schrifften zustellen / auch
folgents im Druck vorfertigen lassen / Das ist
Churfürsten / Fürsten vnd Stenden / vnd sonst
jeder

jedermenniglich kund vnd Notorium. Sonders
lich aber auch ist aus derselben Antwort vnd an
dern seinen schriften befindlich / wie beschwerlich
Er vns bezichtigtet / vñ on alle gegebene vrsache /
auch zuwider der geschwornen Erbeynung / an
vnsern Fürstlichen wolhergebrachten Ehren /
Wirden vñnd Stande / vnerfindlich antastet /
Welchs wir vns zu gebürlicher zeit vnd gelegen
heit / Fürstlich zu ciffern / vnd mit grunde vnd war
heit zuuorantworten vnd abzulehnen / vorbehal
ten.

Vnd ob vns wol von ime dodurch : weil Er
nicht alleine dem Rechten vnd allen Reichs Con
stitutionen / sondern auch der mit Vns habenden
Erbeynung / so Er mit einem Corporlichen Eide
befestiget vnd zuhalten geschworen / zuwider des
heiligen Reichs Echter / auch mörder / rauber / vñ
vnser Feinde / so vns nach Leib vnd Leben / Lan
den vnd Leuthen getrachtet / gehäuset vnd gehe
get : genugsame vnd vberflüssige vrsach gegeben
worden / solche beschwerungen vnd zugemessene
schmach / auch in andere wege vngerochen nicht
zulassen. So haben wir vns doch Gott dem
Allmechtigen zu ehren / gemeinem frieden zum bes
sen / vñnd in betrachtung / das wir solcher vner
findlichen aufgaben halben / sonder zweiffel / bey
A iij allen

allen hohes vnd niedern Standes ehrlebenden
vnparteijischen Leuten / one das wol entschuld-
get sein / überwunden / vnd souielfaltige zugefügte
beschwerungen / zündigungen vnd schmehung /
mit senfftmütigkeit erduldet / auch dieselben Pri-
uat beleidigungen vnd iniurien / auff vnlangst bes-
sehene freundliche beschickung der Hochgebor-
nen Fürsten / vnserer freundlichen lieben Vettern
Oheimen / Schwegern / Brüdern vñ Geuattern /
Pfalzgraff Friederichen Churfürsten / Herzog-
gen Wilhelmen zu Süllich / vnd Landgraff Phi-
lippen zu Hessen / dohin gestellet / das wir Irer
Liebden / auch anderer vnserer Herrn vnd Freun-
de / freundliche vnderhandlung (jedoch das es
vns an vnsern Fürstlichen Ehren vnvorlezlich)
mit vorgehendem der Key. May. Rath / leiden
können / vnd vns ausdrücklich erkleret / das wir
solcher Privat sachen halben / keinen Krieg oder
blutuorgiessen / vnd vorderben vnserer beiderseits
getreuen Landschafft / mit ime anzufangē / Son-
dern andere gebürliche mittel zugebrauchen ge-
dechten / Es were dann das wir von ime darzu
genötiget / vnd also zur defension gedrungen wür-
den. Wie wir dann auch nachmals gesinnet sein /
Nuch nichts von seinen Landen vnd Leuten be-
geren / noch aus dieser Execution / einigen Nutz zu
gewarten haben. Nach

Nach
zuerkennen
starrigen v
vñ vngel
vngestraft
wegen er
in krafft de
denn Ob
ses / die En
de hegen /
förderung
vnd volk
hen solten
den Ampt
net / Irer
men.
werd der E
einen aufan
Mandat ge
Er solchs
fändigung /
Ob wir
cution am lie
gönnen mich
geschicket die


Nachdem vns aber die Key. May. gnedigst
zuerkennen gegeben / das ire May. seinem hals-
starrigen vnleidlichen trutz / hochmut / rebellton
vñ vngheorsam / lenger nicht zusehen / noch denen
vngestrafte hingehen lassen könten / vnd vns der-
wegen ernstlich mandiret vnd befohlen / Das wir
in krafft des Reichs Abschieds / vñd als veror-
denter Oberster dieses OberSachssischen Kreis-
ses / die Execution wider die Echter / vnd Inen als
de hegern / schützern / vnd Receptatorn / mit auff-
forderung der andern drey Kreysen / fortsetzen
vnd volnstrecken / vnd damit lenger nicht vorzie-
hen solten / Vnd wir vns von wegen tragens-
den Ampts / im vnsern Gewissen schuldig erkens-
net / Irer Key. May. vnderthenigst zugehorsam
men. Als haben wir solchem gemeinen
werck der Execution / im namen des Allmechtigen /
einen anfang machen / vnd Irer Key. Mayestat
Mandat gehorsamen vnd pariren müssen. Wie
Er solchs aus Irer Key. May. beschehener an-
kündigung / selbst zuuornehmen.


Ob wir nun wol vor vns / mit solcher Exe-
cution am liebsten verschonet sein / auch Im gerne
gönnen möchten / das Er sich anders in die sache
geschicket / die Key. May. vnd das Reich / zu sol-
chem

dem ernst nicht vorursacht / noch die armen vns
wissenden vnnnd vnschuldigen Vnderthanen / inn
solche not vnnnd beschwerung gefürt hette / Oder
aber solchs mit vnuorzüglicher lieferung der Ech
ter vnd irer Adhaerenten / obergebung der Vhese
vnnnd Persönlicher demütiger auffönung bey der
Key. May. noch vorkeme vnd abwendete / Dar
zu wir Ime dann / vngeachtet / das er solchs vmb
Vns gar nicht vordienet / gerne alle gebürliche
fürderunge thun wolten / So müssen wir
doch vnserm befohlenen Ampt dis fals / wie an
dere des heiligen Reichs Kreiss Obersten vnnnd
Stende / gehorsamlich nachkomen / vnnnd es den
Anstiftern dieses vnheils / legen Gott vnnnd der
Obriqkeit zuuorantworten heimstellen.

Vnd wiewol die ausgegangene Acht / vnnnd
jüngster des heiligen Reichs Abschied / auch son
derlich der Key. May. Paenal Mandaten / die
Vortwahrung dis fals mit sich bringen / Vnd wir
vns ober beschehene der Key. May. ankündigig
vnd vnser tragend Obersten Ampt / dero billich
nicht annassen oder gebrauchen solten / Jedoch
do dis fals einiger Vortwahrung der Ehren / vor
Vns als dieses Kreisses Obersten / oder von wes
gen des Reichs vnd Vns zugeordneten Kreissen
auch

auch vnser iho bey einander habenden Krieges-
uolcks zu Kosz vnd Fues / von nöten sein solte /
So wollen wir dieselbe hiermit / gegen Herzog
Johans Friederichen / als auffhalten / schützen /
vnd Receptatorn der Echter vnd Landfriedbre-
chere / öffentlich / Fürstlich vnd zu aller Erbarkeit
genugsam gethan haben / als ob die mit ausge-
druckten Worten hirm begriffen were / Des
zu Brkunde / haben Wir hierauff vnser Chur-
fürstlich Secret gedruckt / vnd Vns mit eigener
Hand vnderzeichnet /





Des
tigen Ho
Herren/
men/
auff und
ses Grim
tha/sam
leuten
nen
1518